

2021-mi januaarimiit septembarimut timmisartumik angalasut

3.kvartalimi nunanut allanut timmisartumik ilaasartaammik angalasut 2020-mi 3.kvartalimut sanilliullugit 45,1 pct.-imik amerleriarput. Taamaattoq sulii 2019-imi 3.kvartalimiit 58 pct.-inik ikinnerullutik.

2019-imi oktobarimiilli nunanut allanut timmisartumik ilaasartaammik angalasut pingaartumik qaammat septembarimi 5.554-iullutik amerlanerpaapput.

Piffissami januaarimiit septembarimut timmisartumik attartukkamik ilaasartaammillu angalasut ukiup siuliani piffissamut pineqartumut sanilliullugit 4,9 pct.-inik amerlanerupput, 2019-imulli sanilliullugit 65,7 pct.-inik ikinnerullutik.

Tabel 1. Timmisartumik ilaasartaammik angalasut, 2019-imiit 2021-mut qaammatini januaarimiit septembarimut

	2019	2020	2021
Kangerlussuaq	54.387	22.364	23.996
Nuuk	3.763	1.157	570
Kulusuk	4.508	270	163
Ilulissat	3.080	90	0
Nerlerit inaat	786	249	147
Narsarsuaq	4.803	45	0
Katillugit	71.327	24.175	24.876

Kisitsisaataasivimmi tabeli: bank.stat.gl/tunupax

Najoqqutaq: Mittarfeqarfiit

Tabel 2. Timmisartumik attartukkamik ilaasartaammillu angalasut amerlassusaat, 2019-imiit 2021-imut

	2019	2020	2021	Qaamammut nikingassut
Januaari	3.952	4.508	1.215	-3.293
Februaari	3.769	3.758	770	-2.988
Marsi	5.016	2.850	1.025	-1.825
Aprili	6.404	5	1.268	1.263
Maaji	6.049	579	1.819	1.240
Juuni	8.866	1.690	3.125	1.435
Juuli	14.585	2.984	4.735	1.751
Aggusti	14.623	4.054	5.365	1.311
Septembari	8.063	3.747	5.554	1.807
Oktobari	6.344	2.729	-	-
Novembari	4.463	1.389	-	-
Decembari	4.855	2.492	-	-
Katillugit	86.989	30.785	24.876	701

Kisitsisaataasivimmi tabeli: bank.stat.gl/tunupax


Najoqqutaq: Mittarfeqarfiit

Nassuiaat: 2020-mi apriliimi Kalaallit Nunaata aamma Danmarkip akornanni timmisartuussinerit timmisartumik attartukkanut ilanngunneqarput, nalinginnaasumik timmisartuussinnermut ilanngunneqaratik. 2020-mi apriliimi angalasut katillugit 585-iupput.

Nassuiaat: Juulimi timmisartut marluk aallarfi naatsorsuutaagallartunik imaqarput, ukiumoortumillu kukkunersiuinermi naqqiivigineqarsinnaallutik.

Titartagaq 1. Timmisartumik ilaasartaammik angalasut amerlassusaasi ineriartornerat, 2018-imiit 2021-mut

Timmisartumik ilaasartaammik angalasut amerlassusaat



Kisitsisaataasivimmi tabeli: bank.stat.gl/tunupax

Najoqqutaq: Mittarfeqarfiit

Tabel 3. Timmisartumik attartortakkamik ilaasartaammillu angalasut amerlassusaat, 2019-imiit 2021-mut qaammatini januaarimiit septembarimut

	2019	2020	2021
Kalaallit Nunaanneersut	25.089	8.340	9.698
Danmarkimeersut	21.636	9.441	11.838
Nunanit allaneersut	25.136	2.058	2.787
Nalunaarsorsimanngitsut	5.167	5.366	2.108
Katillugit	77.028	25.205	26.431

Kisitsisaataasivimmi tabeli: bank.stat.gl/tunfly

Najoqqutaq: Mittarfeqarfiit

Nassuiaat: 2020-mi januaarimi februaarimilu Kangerlussuarmi teknikkikkut ajutoornermik peqquteqartumik qaammatini taakkunanani angalasut amerlasuut najugaat ilisimaneqanngillat.

Periaaseq

Timmisartumik angalasut pillugit kisitsisitigut paasissutissat ilaasut amerlassusaannik taakkulu nunat najugaarfii pillugit paasissutissanik imaqarput. Kalaallit Nunaannit mittarfinnit nunanut allanut aallarfiusartunit angalasut qaammatikkaarlugit kisitsisitigut paasissutissani saqqummersinneqartarput, mittarfiillu aallarfigineqartartut tassaallutik: Kangerlussuaq, Nuuk, Kulusuk, Ilulissat, Nerlerit Inaat aamma Narsarsuaq.

Ilaasartaatinik aammalu attartukkanik, taxatut timmisartuussinerit kiisalu inuussutissarsiornermut atatillugu imaluunniit immikkut attartorluni inuinnarnik timmisartuussinerit kisimik ilanngunneqarput. Taamatullu

timmisartuussinerit nunat tamalaat akornanni mittarfinnut apuuttussat kisimik aamma ilanngunneqarlutik.

Timmisartumik angalasut pillugit nalunaarsuutit qaammatikkaartumik Mittarfeqarfinnit pineqartarput. Saqqummiussinnginnermilu Naatsorsueqqissaartarfimmit tamakkiisumik kukkuneriorsiorneqarlutik.

Timmisartumik angalasut nunat najugaqarfii pillugit paasissutissat angalasut aallariartorlutik nalunaarfiini Mittarfeqarfinniit ullormut nalunaarusiarineqartarput.

Angalasut amerlassusaat tamakkiisumik kisitsinernik tunngaveqarput, timmisartumullu ilaasut nunat najugaqarfii nuna tamakkerlugu angalasut 90-95 pct.-iisa misissuiffiqineqarnerinit tunngaveqarput.

Ulloq 20.marsi 2020 Naalakkersuisut angalaqqusiunnaarput, tamannalu Kalaallit Nunaannut kiisalu Kalaallit Nunaanniit angalanernut sunniuteqarpoq. Tamanna 15.juuni 2020-mi ilaannakortumik atorunnaarsinneqarpoq sapaatip akunneranullu inuit 600-t avataanit tikissinnaalerput. 21.juuli 2020-mi avataanit tikittussanut killilersuineq atorunnaarsinneqarpoq.

Ulloq 30.decembari 2020 angalanernut killilersuinerit Naalakkersuisunit atuutsinneqaqqilerput Kalaallit Nunaannut avammullu angalanernut aamma killiliisumik.

Saqqummersitsisarneq

Timmisartumik angalasut kisitsisitigut paasissutissaat qaammatip pineqartup missiliorlugu ulluni 30-nik qaangiussimalernerani saqqummersinneqartarput.

Saqqummertussap tullia

Timmisartumik angalasut kisitsisaat 30. novembari 2021-mi saqqummersinneqaqqissapput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginiffissaq
Simon Westmann
E-mail: siwe@stat.gl

Timmisartumik angalasut

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

